

الكتب القيمة المخزونة الكاملة لقومية هوي الصينية

回族典藏全書

吴海鹰 主編

甘肅文化出版社
寧夏人民出版社

072

主編

吳海鷹

副主編

吳建偉

雷興魁

雷曉靜

回族典藏全書

072

甘肅文化出版社
寧夏人民出版社

寧夏回族自治區人民政府

資助

寧夏社會科學院

主辦

寧夏少數民族古籍整理
出版規劃領導小組辦公室

編輯

第七十二冊 目錄

藏書(大將傳 卷四十三——賢將傳 卷四十八)

明木刻本

明·李贄

.....

一

【回族典藏全書】

文獻名著藏書
作者：明·李贊
版本：明木刻本



藏書大將傳卷四十三

段秀實

段秀實，汧陽人。六歲號孝童。天寶四載，從安西節度使馬靈驗討護密有功，授安西府別將。靈驗罷，又事高仙芝。後又從封常清討大勃律，次賀薩勞城，與虜戰勝之。改綬德府折衝都尉。後吐蕃襲京師，代宗走陝。白孝德薦爲涇州刺史。時郭子儀爲副元帥，居蒲子晞以檢校尚書領行營節度使屯邠州，邠人之嗜惡者，竄名伍中。因白晝羣行，丐頡於市，有不嫌，輒擊

大子傳

卷四十三

乙

文獻名藏書
作者明李贊
版本明木刻本

文獻名藏書
作者明·李贄
版本明·木刻本

傷市人樵金昂筭益於道甚至撞害孕婦孝德不敢
言秀實自州至府曰狀曰天子以生人付公公見人
被害恬然不爲意其如大亂何孝德曰願奉教秀實
因請曰公誠以某爲都虞侯某能爲公已之孝德卽
檄署付軍俄而晞士十七人入市取酒刺殺酒翁壞
醢器秀實列卒取之斷首置槩上植市門外一營大
譟盡用秀實徐解佩刀選老嫗一人持馬徑至晞門
下甲者皆出秀實笑而入曰殺一老兵何甲也吾戴
吾頭來矣甲者愕眙秀實因曉之曰尚書負若屬邪

副元帥負若屬邪奈何欲以亂敗郭氏俄而晞出秀
實又曰副元帥功塞天地今尚書恣卒爲暴使亂天
子邊欲誰歸罪乎罪且及副元帥矣今邠惡子弟以
貨竄名籍中殺害人藉藉如是人皆曰尚書以副元
帥故不戢士然則郭氏功名其與存者有幾晞乃載
拜曰公幸教晞卽叱左右解甲秀實曰吾未哺食請
爲我設具已食又曰吾疾作願一宿門下遂卧軍中
晞大駭戒侯卒擊拆衛之明日晞與俱至孝德所陳
謝邠賴以安秀實之力也大曆五年馬璘代孝德爲

文獻名藏書
作者明李贊
版本明木刻本

文獻名藏書
作者明·李贊
版本明·木刻本

大宋傳

卷四十三

節度欲徙涇州，是軍自四鎮北庭赴難，數征伐有功。既驟徙，遂出怨言，別將王童之因謀作亂，約曰：聞警鼓而縱。秀實知之，召鼓人陽怒，失節，且戒曰：每籌盡當報。因延數刻，盡四鼓而曙。明日又有告者曰：夜焚橐積，約救火則發。秀實申嚴警備，夜果火，卽下。今日敢救火者斬。明日收捕，并其黨八人皆斬。以徇。復下令曰：後徙者族。軍遂徙，無敢後者。久之，璘有疾，請秀實攝節度副使。秀實遂按甲備變。璘卒，秀實命愿將馬頰主喪。李漢惠主賓客，家人人位於堂，宗族位於庭。

文獻名藏書
作者明·李贊
版本明木刻本

客位於禾內尉吏士卒位於營次非其親不得居
喪側朝夕臨三日止有族談離立者皆捕囚之一軍
遂安朝廷卽拜秀實四鎮北庭行軍涇原鄭潁節度
使建中初宰相楊炎欲城原州以議不合改爲司農
卿朱泚反使騎迎秀實秀實至謂泚曰將士東征寡
賜不豐有司言人主何與知之公本以忠義聞天
下今變起倉卒當諭衆以禍福掃清宮室奉迎乘輿
可也泚默然秀實知不可乃陽與合陰結將軍劉海
濱姚令言都虞侯何明禮欲共圖泚會源休教泚追

文獻名藏書
作者明李贊
版本明木刻本

通天子遣將韓旻領銳師三千疾馳奉天秀實以爲此係危逼之時遣人諭大吏破靈苗竊取今言印不獲乃倒用司農印追其兵旻至駱谷驛得符而還秀實謂海濱曰旻還吾等無賴矣我當直搏殺賊諸公請畢力相應翼曰泚召秀實計事源休姚令言李忠臣李子平皆在坐因語及僭位事秀實頓起執休腕奪其象笏唾泚面大罵曰狂賊可磔萬段我豈從汝反邪遂擊泚笏中額流血斃面海濱等卒無應者秀實知無援乃大呼曰我不同汝反胡不殺我遂遇害

年六十五

○李晟

李晟洮州人年十八事河西王忠嗣從擊吐蕃大曆
初吐蕃寇靈州李抱玉授晟兵五千使擊之晟曰以
衆則不足以謀則多乃請千人繇大震關趨臨洮執
其帥慕容谷鍾而還建中二年魏博田悅反晟爲神
策先鋒與河東馬燧昭義李抱真合兵攻之晟乘冰
度洛水戰洹水悅大敗遂進攻魏朱滔王武俊圍康
日知于趙州抱真分兵二千戍邢燧大怒欲班師晟

李晟傳

卷四十一

九

文獻名藏書
作者明·李贊
版本明刻本

文獻名藏書
作者明·李贊
版本明木刻本

大宋傳

卷四十三

下

日奉詔東討者吾三帥也邢趙比壤今賊以兵加趙是邢有晝夜憂李公分衆守之亦不爲過公奈何遽引去乎燧大悟卽造抱眞晟乃建言宜趨定州與張孝忠合以圖范陽則武俊等當捨趙自掠於是晟引而北武俊果解去會帝出走奉天有詔召晟晟卽日治嚴踰飛狐進臨渭北壁東渭橋時劉德信自扈澗敗歸入謁晟晟斬之以數騎入壁勞其軍晟已并兵軍益振於是朔方李懷光軍咸陽請與晟合有詔徙屯晟乃引趨陳濤斜與懷光聯壘壘未成而賊兵至

晨出陣懷光不出晨言于懷光曰賊堅保宮苑攻之
未必尅今離其窟穴敢來索戰此乃天以賊賜公也
懷光不聽晨乃收軍入壘時興元元年正月也晨每
與賊戰必錦裘繡帽自表指顧陣前懷光望見惡之
戒曰將務持重豈宜自表裸爲賊餌哉晨曰昔在涇
原士頗相畏伏欲今見之奪其心今懷光既有異志
反奏言神策兵給賜比方鎮獨厚厚薄不等難以進
戰欲以激怒軍士且使晨自創其軍則士必怨之會
帝遣陸贄詔懷光令與晨計所宜者懷光不荅而

文獻名藏書
作者明李贄
版本明木刻本

文獻名藏書
作者明李贊
版本明木刻本

數數顧晟晟曰公元帥軍政得專晟將一軍惟所命耳懷光計奉懷光屯咸陽凡八旬帝數遣戰但以同賊隙爲言卒不出晟懼爲所并適有使者到晟軍晟乃下令曰有詔徙屯卽結陣趨東渭橋是日帝復走梁州顧渾瑊曰渭橋在賊腹中兵孤絕晟能辦勝否瑊曰晟秉義挺忠卒然不可奪臣策之必破賊時晟提孤軍常恐二盜合而亡已卑詞厚禮每僞致誠於懷光又使張或假京兆少尹多署吏調畿內賦不淹旬芻米告具晟乃陳兵下令曰國家多難乘輿播遷

文獻名藏書
作者明·李贊
版本明·木刻本

見危必節，臣子之分。公等此時不誅元兇，取富貴非
人豪也。因歔歔流涕，士皆雪泣曰：「惟公命！」時朱泚盜
京城，懷光圖反，噬河朔，僭偽者三。李納虎視河南，希
烈鳴張汴，鄭晟內無貯積，外無轉輸，以孤軍抗劇賊，
而銳氣不衰。於是駱元光以華州之衆守潼關，尚可
孤以神策兵保七盤，皆受晟節度。戴休顏舉奉天，韓
游瓌悉邠寧軍從晟。懷光始懼晟，遂移書顯讓之，使
破賊自贖。懷光不聽，然其下益攜落。懷光恐爲晟所
襲，乃奔河中。泚懼，亦使晟吏壻款壁門，告諸吏曰：「公

名將傳

卷四十三

六